



Broj: 01-49-1380-3/19

Datum: 13.08.2019.godine

Na osnovu člana 70. Zakona o javnim nabavkama BiH („Službeni glasnik BiH“ broj 39/14), a u vezi sa Odlukom o pokretanju postupka javne nabavke broj: 01-49-1380/19 od 11.07.2019. godine i Zapisnika o pregledu i ocjeni ponuda broj: 01-49-1380-2/19 od 05.08.2019. godine, Općina Maglaj, ovlašteno lice ugovornog organa Načelnik općine Maglaj, d o n o s i

**ODLUKU**  
o izboru najpovoljnije ponude

**I**

Najpovoljnija ponuda za izvođenje radova „Na sanaciji, rekonstrukciji i izgradnji lokalnih puteva, gradskih ulica i trotoara i slično i isporuka materijala na području općine Maglaj u 2019. godini“ je ponuda ponuđača DOO „Geo put“ Maglaj, u iznosu od 324.300,00 KM, bez PDV-a, odnosno 379.431,00 KM sa PDV-om, nakon provedene E-aukcije dana 05.08.2019.godine

**II**

Ponuda je dostavljena u postupku Otvoreni postupak za dostavljanje ponuda za izvođenje radova „Na sanaciji, rekonstrukciji i izgradnji lokalnih puteva, gradskih ulica i trotoara i slično i isporuka materijala na području općine Maglaj u 2019.godini“, koji je objavljen na portalu javnih nabavki broj: 1140-1-3-29-3-39/19 od 12.07.2019. godine i u Službenom glasniku BiH broj 49 od 19.07.2019. godine.

Kriterij za dodjelu ugovora je najniža cijena.

**III**

Odabrani ponuđač je dužan u roku od pet dana od dana zaprimanja obavještenja dostaviti dokaze kojim je tenderskom dokumentacijom ponuđaču koji bude odabran kao najbolji u ovom postupku utvrđena obaveza dostavljanja dokaza koje propisuje Zakon o javnim nabavkama.

**IV**

Za realizaciju iste zadužuju se Služba za urbanizam, geodetske imovinsko pravne poslove općine Maglaj.

**V**

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa čl. 71. Stav 2. Zakona o javnim nabavkama.

**VI**

Ova Odluka ima se objaviti na web stranici Općine Maglaj u skladu sa čl.70. Stav 6. Zakona o javnim nabavkama BiH.

**O b r a z l o ž e n j e**

Odlukom o pokretanju postupka broj 01-49-1380/19 od 11.07.2019. godine pokrenut je postupak javne nabavke za izvođenje radova „Na sanaciji, rekonstrukciji i izgradnji lokalnih puteva, gradskih ulica i trotoara i slično i isporuka materijala na području općine Maglaj u 2019.godini“.

Odabran je Otvoreni postupak za dostavu ponuda koji je objavljen na portalu javnih nabavki broj: 1140-1-3-29-3-39/19 od 12.07.2019. godine i u Službenom glasniku BiH broj 49 od 19.07.2019. godine.

Kriterij za dodjelu ugovora je najniža cijena.  
U ostavljenom roku, pristiglo je pet ponuda i to:

Naziv ponuđača :	Cijena bez PDV-a	Ukupna cijena
1. DOO „Hajdić“ Maglaj	343.323,80	401.688,84
2. DOO „MGV Gradnja“ Zavidovići	345.880,00	404.679,60
3. DOO „Geo put“ Maglaj	326.955,00	382.537,35
4. DD“Doboj putevi“ Doboj jug	374.580,55	438.259,24
5. DOO „Porobić“ Zavidovići	415.939,50	486.649,21

Odlukom broj: 01-49-424/19 od 20.02.2019. godine Načelnik općine Maglaj imenovao je Komisiju za javne nabavke u 2019. godini.

Komisija čijem je radu prisustvovao predstavnik ponuđača DD „Doboj putevi“ Doboj jug, Admir Kruško, predstavnik ponuđača DOO „Geo put“ Maglaj, Amer Suljaković i predstavnik DOO „Porobić“ Zavidovići, Nedim Vučković je izvršila javno otvaranje ponuda 01.08.2019. godine o čemu je sačinila Zapisnik sa otvaranja ponuda i isti je prosljedila svim ponuđačima.

Na zatvorenom sastanku dana 01.08.2019. godine, Komisija pristupila pregledu, ocjeni ponuda, i utvrdila da su sve ponude formalno - pravno ispravne.

Sve dostavljene ponude oblikom sadržajem upotpunosti odgovaraju traženim uslovima iz Tenderske dokumentacije .

Nije bilo ispravki u ponudama.

Komisija je konstatovala da su sve ponude formalno - pravno ispravne, te je zakazala E-aukciju za dan 05.08.2019. godine sa početkom u 09,00 sati.

Nakon održane E-aukcije, utvrđena je konačna rang lista ponuđača koji su učestvovali u E -aukciji, kako slijedi u tabeli.

Naziv ponuđača	Ukupna cijena KM za ugovor ( sa PDV-om)
DOO „Geo put“ Maglaj	379.431,00
DOO „MGV Gradnja“ Zavidovići	379.828,80
DD“Doboj putevi“ Doboj Jug	381.388,41
DOO „Hajdić“ Maglaj	401.688,84
DOO“Porobić“ Zavidovići	486.649,21

Na osnovu gore navedenog Komisija je prema utvrđenom kriteriju “najniža cijena” utvrdila da ponuda ponuđača DOO „Geo put“ Maglaj, ima najnižu cijenu i to za izvođenje radova “ Na sanaciji, rekonstrukciji i izgradnji lokalnih puteva, gradskih ulica i trotoara i slično i isporuka

materijala na području općine Maglaj u 2019.godini“ u iznosu od 379.431,00 KM sa PDV-om, i predložila ugovornom organu da se sa istim zaključi ugovor za predmetne radove

Na osnovu izloženog a primjenom člana 64. Stav 1. Tačka b). Zakona o javnim nabavkama BiH (Službeni glasnik BiH“broj 39/14),odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa: Općina Maglaj u roku od 5 dana od dana prijema Odluke.

Žalba se podnosi u tri primjerka kako bi mogla biti uručena izabranom ponuđaču, Uredu za razmatranje žalbe i Ugovornom organu.

Žalba se podnosi neposredno Ugovornom organu, u pisanoj formi, direktno ili putem preporučene poštanske pošiljke.

Dostavljeno :

1.Ponuđačima 5x

2.U spis.



Općina Maglaj  
Nacelnik općine  
Mirsad Mahmutagić

